



Sud Bosne i Hercegovine

Суд Босне и Херцеговине

Broj: Su-08-229/20

Datum: 16.10.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-224/20 od 16.10.2020. godine u otvorenom postupku javne nabavke namještaja za **LOT 5 Vješalice**–JRJN39136000-4, donosim

ODLUKUo izboru najpovoljnijeg ponuđača za nabavku namještaja za **LOT 5 – Vješalice****član 1.**

Prihvata se preporuka Stalne komisije za javne nabavke Suda Bosne i Hercegovine (u daljem tekstu: Komisija), broj: Su-08-224/20 od 16.10.2020. godine i Ugovor za nabavku namještaja za **LOT 5 - Vješalice** - oznaka i naziv iz JRJN: 39136000-4 (Vješalice), dodjeljuje se ponuđaču "**INTER-COM**" d.o.o. **Zenica**, sa sjedištem na adresi Vrandučka 71b, sa ponudom broj: 00389-09/20-e od 29.09.2020. godine za ponudenu cijenu i nakon sprovedene e-aukcije od **595,00 KM** bez PDV-a.

član 2.

Ugovor o nabavci dostaviti će se na potpis izabranom ponuđaču "**INTER-COM**" d.o.o. **Zenica** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje svim ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke namještaja po lotovima broj: Su-08-177/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-191/20, a procijenjena vrijednost javne nabavke namještaja za LOT 5 - Vješalice je 600,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-35-3-19/20 od 03.09.2020. godine zajedno sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke namještaja za LOT 5 - Vješalice. Komisija je blagovremeno i pravilno izvršila javno otvaranje ponuda dana 30.09.2020. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno dvije (2) ponude (INTER-COM d.o.o. i FREKFENT d.o.o.), da nije bilo neblagovremeno zaprimljenih ponuda; da su obje pristigle ponude ponuđača ocijenjene prihvatljivim u skladu sa tenderskom dokumentacijom.

Za ovaj postupak je predviđena e-aukcija. Sve prihvatljive ponude (INTER-COM d.o.o. i FREKFENT d.o.o.) su unesene u sistem "e-nabavke" i e-aukcija je zakazana dana 08.10.2020. godine, a održana dana 12.10.2020. godine sa početkom u 14.00 sati i završetkom u 14.30 sati. U toku e-aukcije nije bilo podnošenja novih ponuda. Nakon završetka e-aukcije u sistemu e-nabavke je kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "INTER-COM" d.o.o. Zenica sa cijenom od 595,00 KM bez PDV-a, a drugorangirana je ponuda ponuđača "FREKFENT" d.o.o. Sarajevo sa cijenom od 763,00 KM bez PDV-a. *(ponuđač "INTER-COM" d.o.o. je dostavio potvrdu Vanjskotrgovinske komore BiH o preferencijalnom tretmanu domaćeg te mu je prilikom poređenja ponuda umanjena cijena ponude za preferencijalni faktor od 30%)

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "INTER-COM" d.o.o. Zenica izabran primjenjujući kriterij najniže cijene koja je ponuđena u iznosu od **595,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

